

20 sertai ekspedisi pelajar komunikasi ke rumah walet

UB 7.12.2014 B3

KOTA KINABALU: Seramai 20 orang pelajar Komunikasi Tahun 3 UMS membuat satu ekspedisi ke Rumah Burung Walet, Menumbuk.

Industri sarang burung walet merupakan satu sumber pendapatan lumayan kepada penduduk luar bandar.

Tujuan ekspedisi adalah tinjauan dan pengumpulan maklumat berkaitan rumah dan sarang burung walet di sekitar daerah Menumbuk.

Selain itu, hasil pengumpulan maklumat akan digunakan bagi menghasilkan satu dokumentari khas bagi melengkapkan tugas akhir pelajar komunikasi tahun 3 dalam bidang kewartawanan.



HASIL Tuaian Sarang Burung Walet.

Menurut salah seorang pengusaha Rumah Burung Walet, Pengiran Haji Jaafar Bin Pg. Osman, industri burung walet ini adalah salah satu sumber pendapatan masyarakat kini dan ia harus diikuti oleh generasi akan datang.

“Bagi saya, industri burung walet ini menjadi sumber pendapatan kepada saya dan beberapa orang kampung yang sama-sama mengusahakan rumah burung walet ini”, katanya.

Tambahnya lagi, beliau rasa bangga terhadap pelajar-pelajar Universiti Malaysia Sabah (UMS) kerana mahu mengangkat lagi industri burung walet ini.

“Saya juga rasa bangga terhadap kamu semua kerana bersungguh-sungguh mengambil pelbagai maklumat dan sanggup



SESI perbincangan bersama Pg. Hj. Jaafar - Pemilik Rumah Burung Walet.



GAMBAR Kenangan Bersama Pengusaha Rumah Burung Walet.

membuat penggambaran untuk menuntut ilmu berkaitan burung walet ini”, katanya.

Rumah Burung walet Hj Jaafar yang dibina setinggi tiga tingkat menarik pelajar-pelajar komunikasi tahun 3 untuk membuat dokumentari berkaitan

Rumah Burung walet.

Menurut Danial Dani, ekspedisi ini dijalankan selain mencari maklumat untuk melaksanakan tugas akhir, ia juga salah satu ekspedisi ilmu untuk melihat perkembangan Industri Burung Walet.

“Kami pergi ke Rumah burung walet dari UMS ke Menumbuk bukan sahaja untuk mencari maklumat dan membuat penggambaran tentang Rumah Burung walet malah lebih dari itu”

“Kami melihat populasi burung walet semakin banyak dan kami juga mempelajari betapa uniknya burung walet”, katanya.

Ekspedisi burung walet mengambil masa selama tiga hari dua malam di Jalan Kuburan Cina, Menumbuk, Sabah.